



## **Clypevs Theologiæ Thomisticæ**

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

§. II. Secunda difficultas enodatur

---

[urn:nbn:de:hbz:466:1-77355](#)

tis, ex principio vero deducitur falsa conclusio, hujus falsitas non redundat in ipsum principium, nec illud reddit falsum, sed in arguente, qui male ipsum applicat, & ratione hujus mala applicationis ex vero falso deducit. Unde qui habens bona propria efficaciter intendit date eleemosynam, in tali intentione non peccat, etiam si ut illam det, postea furetur: quia furtum non sequitur per se ex tali intentione, sed ex prava voluntate & malitia peccantis, nam poterat etiam ex propriis dare eleemosynam. Qui vero non habens unde faciat eleemosynam, nisi ex alienis, cum efficaciter dare intendit, peccat: quia ex tali intentione per se & necessariò sequitur furtum, sive acceptio rei alienae; sive illa intentio, cum per se sit ratio volendi malum, est inordinata, & perversa. Similiter qui vendit agnum sacerdoti idolorum, non peccat, etiam si sciat illum idolis immolaturum, quia talis immolatio non per se sequitur ex agni venditione, sed ex prava sacerdotis voluntate: poterat enim illo agno utili ad faciendum convivium amico. Si autem illi vendat vestes cultui idolorum deputatas, procul dubio peccat: quia cum non possint tales vestes ad alios usus deservire, cultus idolorum per se sequitur ex tali venditione.

Confirmatur: Quando malum medium per accidentis conjungitur fini honesto, non est ejus circumstantia; quia nec est effectus per se ex illo sequatur, nec medium per se ad ejus assecutionem conducens. Ergo tunc intentio non vitiatur ex electione illius. Unde S. Thomas in hac qu. 19. art. 8. in argumento *sed contra*, & in 2. dist. 38. qu. 1. art. 5. concedit dari aliquando rectam intentionem cum mala electione: quod non potest alteri contingere, quam in casu nostra conclusionis, quando scilicet intentio non influit per se in pravam electionem, sed per accidentis ex malitia operantis ei conjungitur.

Objicies primò contra primam partem conclusionis: Intentio secundum se est prior quam electio: Ergo non sumit malitiam ex illa, quamvis per se & necessariò cum ea connectatur. Consequentia videretur legitima: quia prius non dependet à posteriori.

Respondeo, quod licet intentio sit prior actu electionis formaliter sumpto, ipsa tamen electione, ut virtualiter in intentione contenta, non solum est simul cum actu intentionis, sed etiam aliquo modo prior, quia se habet per modum circumstantie ex parte objecti specificantis intentionis, illudque virtutis, ut supra ostensum est.

Objicies secundò: Intentio eleemosyna, etiam si sciat ex furto, est in specie misericordiae; siquidem per talem eleemosynam verò sublevatur miseria proximi, & impetratur preceptum dandi illam, si insister: Ergo talis intentio est bona, & non vitiatur à prava illa electione, cum qua connectitur.

Respondeo negando Antecedens. Ad cuius probationem dicendum quod eleemosyna, quia est virtus, non constituit in sola sublevatione miseriae, quomodo cumque facta, sed prout decet, & sine prajudicio alterius: unde si quis cum damno alterius sublevet alienam miseriariam, vel det pauperi mulieri pretium meretricij, quo sublevet ejus paupertatem, non facit actum misericordiae, sed iniustitiae, vel impudicitiae. Nec obstat quod per talem actum adimpleat preceptum eleemosynæ ex parte materialis effectus, qui est sublevatio-

A alienæ miseriae: quia sunt quedam præcepta quæ non obligant ad modum, sed solum ad substantiam actus, & sic adimplentur per actus bonos ex objecto, quamvis sint vitiati ex fine, vel aliâ malâ circumstantia.

Objicies tertio contra secundam partem conclusionis: Omnis prævus effectus imputatur cause liberæ: Sed intentio, quæ durat quando postea eligitur malum medium, est libera, & causa talis electionis; non enim potest esse electio, nisi in virtute intentionis: Ergo iste prævus effectus malæ electionis imputatur intentioni perseveranti, & vitiat illam, quamvis per accidens tantum talis intentio & electio inter se connectantur.

Respondeo primò, quod cum eligitur prævum medium post rectam intentionem, non eligitur in virtute ejus; quia cum sit bona, non moveat ad malum: sed tunc formaliter vel virtualiter est alia intentio, influens in illam electionem, subindeque per se cum illa connexa, si non quantum ad specificationem, saltem quantum ad exercitium, ut explicat Joannes à S. Thoma hic disp. II. art. 3. unde tunc haec intentio à tali electione viciatur.

Secundò respondetur, concedendo quod homo utitur bona intentione præterita, saltem virtualiter manente, ad malam electionem: sed propter ea non vitiatur talis intentio, quando cum mala electione per accidens tantum connectitur, quia talis usus & applicatio non est ex vi intentionis, sed ex malitia eligentis, ut antea declaravimus: sicut si quis actum eleemosyna ritè factum, postea ordinet ad inanem gloriam, non vitiatur talis actus, quia hoc provenit ex malitia ordinantis, non ex ipsa eleemosyna.

### S. I I.

#### Secunda difficultas enodatur.

Dico secundò: Intentio boni finis non excusat malitiam prævæ electionis: unde ea quæ sunt intrinsecè mala, ut mendacium, furtum, homicidium, &c. ex nullo bono fine honestari possunt.

Est contra Cassianum Collat. 17. cap. 18. ubi approbare videtur sententiam Abbatis Joseph, dicens licet mentiri propter aliquem bonum finem, ut ad tuendam vitam proximi, vel aliquod grave datum evitandum. Unde cap. 17. sic ait: *Quando igitur grave aliquid imminent de veritatis confessione discrimen, runc mendaciorum sunt recipienda perfugia.* Idem sensisse videatur Author operis imperfecti super Matthæum, ad illa verba cap. 7. *Non potest arbor bona malos fructus facere, & alij quos refert.* Sixtus Senensis lib. 5. Biblioth. annot. 23. Quæ sententia à SS. Patribus, Theologis, & iurisperitis damnatur tanquam erronea: Augustinus enim in libro contra mendacium, cap. 1. multis locis sacrae Scripturæ mendacium nunquam posse honestari ostendit. Idem docet Gratianus in decreto 22. qu. 2. Et Alexander III. in cap. *sipser eo de usuris*, respondens Panormitanus Episcopo, sic ait: *Scriptura sacra prohibet pro alterius vita mentiri.* Videri etiam potest S. Thomas 2. 2. qu. 110. art. 3. ubi haec scribit: *Quod est secundum se malum ex genere, nullo modo potest esse bonum & licitum; quia ad hoc quod aliquid sit bonum, requiritur quod omnia rectè concurvant; bonum enim ex integrâ causa, malum vero est ex singularibus defectibus,* ut Dionysius dicit 4. cap. de Divin. nomin. Men-

Tom. III.

ii

dacium autem est malum ex genere: est enim actus A cadens super indebitam materiam: cum enim voces naturaliter sint signa intellectuum, innaturale est & indebitum quod aliquis voce significet id quod non habet in mente: unde Philosophus dicit in 4. Ethic. quod mendacium est per se pravum & fugiendum. Quibus verbis S. Doctor conclusionem nostram & docuit, & probavit. Potestque confir mari ex eo quod communiter dicitur: Non sunt facienda mala, ut eveniant bona: ex quo patet quod intentio boni finis nunquam excusat malitiam prava electionis.

## S. III.

## Solvuntur objectiones.

**V.** PLURES tamen & difficiles contra istam conclusionem ex Scriptura & SS. Patribus fieri possunt instantiae. Primo objici solent verba illa Salvatoris Matth. 6. Si oculus tuus fuerit simplex, torum corpus tuum lucidum erit. Ubi nomine oculi significatur intentio; nomine vero corporis, opus ex illa profectum: quia intentio se habet ad electionem, ut forma ad materiam, & anima ad corpus. Unde sensus est, quod si intentio fuerit recta, & circa finem honestum, reliquum totius operis honestatem habebit. Idem significari videtur cap. 7. verbis istis: Non potest arbor bona malos fructus facere: nam etiam per arborum bonam, plures ex SS. Patribus intelligent bonam intentionem, que ut arbor produc fructus electionum: Ergo quandiu homo bonam intentionem habet, non potest malam habere electionem, aut aliquid malum facere. Quare Auguſtinus praefat. in Pſal. 31. ait: Bonum opus intentionem, intentionem fides dirigit: non valde attendas quid homo faciat, sed quid cum facit aspirar. Et Ambroſius lib. 1. officiorum cap. 30. dicit, Affactus tuus nomen imponit opere tuo: quasi totum opus ex sola intentione judicari & estimari debeat.

**VI.** Respondeo primo, admissò nomine oculi, & arboris, significari intentionem, & nomine corporis, ac fructus electionem, seu quodcumque opus ex ea sequuntur; & etiam concessò actum, qui ex intentione bona, quatenus tali, proficitur, non posse esse malum, nihil inde contrarios: quia ut conclusione praecedenti ostendimus, intentio eo ipso quod sit causa prava electionis, vitiatur, & efficitur prava; unde non est bona, sed mala, non ratione finis sumpti secundum se, sed ratione medi quod talis finis obtineri intenditur, atque adeo ratione finis reduplicative ut consequibilis per tale medium: sicut enim secundum se malum est, velle furari, aut mentiri, ita est malum velle dare elemosynam ex furto, aut velle tueri vitam mendacio. Solutio est D. Thomae, Abulensis, & Cajetani, super citatum caput 6. & 7. Matthæi.

**VII.** Respondeo secundò ex Auguſtino lib. de ope re Monachorum cap. 26. & Bernardo lib. de pracepto & dispensatione cap. 17. per oculum simplicem non debet intelligi quamcumque bonam intentionem, sed eam solum quae fide dirigitur, & charitate informatur; ex hac enim planum est non sequi per se opus malum, quia charitas non agit perperam, ut ait Apostolus: & de hac intentione seu affectu per charitatem informato, & per fidem regulato, debent intelligi verba Auguſtini, & Ambroſij, in objectione adducta.

Addo etiam pro secundo testimonio, nomine arboris, posse intelligi voluntatem, non præcisè

ut intendentem, sed ut eligentem: quia sicut non radix, sed arbor est, quæ immediatè producit fructum; ita non intentio, sed electio est, quæ immediatè procedit ad opus. Quæ expofitio est D. Thomæ in 2. diſt. 40. qu. 1. art. 2. ad 1.

Obſcitur secundò: Multi actus de se mali &

peccaminos, à Scriptura & SS. Patribus ex bono fine excusantur: Ergo intentio boni finis tollit malitiam prava electionis. Antecedens probatum in mendacio, tum in homicidio: nam Genes. 20. Abraham dixit de Sara uxore sua, quod erat soror ipsius; & tamen non peccavit, ut dicunt S. Auguſtinus lib. 12. contra Faustum cap. 34. & S.

**B** Chrysostomus homil. 52. super Genesim, quia id dixit ad salvandum propriam vitam. Iacob mentitus est patri suo, dicens se esse primogenitum ejus Esau: & tamen solum ob intentionem bonam excusari potest, quia scilicet hoc dixit ad obtaindam patris benedictionem. Iudith in pluribus Holoferni mentita est: & tamen videtur non peccasse, quia id fecit ad salvandum populum suum. Item obstetrics Ægyptiæ mentita sunt Pharaoni: quæ tamen non videntur peccasse, quia id faciebant ad impediendi homicidia parvulorum: unde dicitur Exodi 1. Benè fecit Deus obstetricibus: constat autem Deum non remunerare peccata. Idem probatur de homicidio: nam Exodi 2. Moyses occidit Ægyptium autoritate propria; & ex bona intentione liberandi proximum suum, excusatur. Judicium 16. Sanſon ſeipſum occidit cum multis Philistæis, columnas templi concutens: & tamen non peccavit, quia ex zelo Dei id fecit, ut Philistæos inimicos populi Dei occideret: unde ab Apostolo inter Sanctos connumeratur, ad Hebreos 11. Beata etiam Apollonia, Spiritus Sancti igne succensa, in rogum se proiecit, ut narrat ejus historia. Scribit etiam D. Ambroſius lib. 3. de virginibus, Pelagiam Virginem præcipitem se dedisse in flumen, ne à persequente milite violaretur. Idemque laudabiliter fecisse tempore persecutionis alias sanctas fœminas, ut invasores suis pudicitie effugerent, refert S. Auguſtinus lib. 1. de Civit. cap. 6. Propter quod dicit Hieronymus super cap. 1. Jona: Quod non licet propria se occidere manu, abh[ic]que eo ubi castitas periclitatur: Ergo sentit quod ex bona intentione servandi castitatem purgatur malitia homicidij.

Respondeo negando Antecedens. Et ad illa que afferruntur pro mendacio excusando, in primis dico, Scripturam multorum mendacia referre, sed non ea approbare, aut excusare: unde quando obstetrics mentita sunt Pharaoni, pro illo mendacio non sunt remuneratae à Deo, sed pro timore quem habuerunt erga Deum, propter quem infantes Hebreos noluerunt occidere, ut ait D. Thomas 2. 2. qu. 110. art. 2. ad 2. & patet ex illo Exodi 1. Quia timuerunt obstetrics Deum, edificavit illis domos.

Secundò dico, Abraham non fuſſe mentitum, cum dixit Sarum esse sororem suam: quia verè soror erat ex parte patris, quamvis non ex parte matris, ut dicitur Genes. 20. licet voluerit tacere quod esset uxor: unde Auguſtinus dicit in questionibus super Genesim, quod Abraham, dicens Sarum esse suam sororem, veritatem voluit celari, & non mendacium dici. De Iacob etiam dicendum est, ipsum non fuſſe mentitum, dicendo Patri, Ego sum priuogenitus tuus Esau: tum quia priuogenitus illius de jure ei debebantur, & sic se appellabat Esau, non in